



Scrinar - in mastergn creativ

L'empredist da scrinari Robin Balett da Breil è sa participà cun success cun in «sideboard» a «Holz kreativ 11».

2

Grosse Liquidation

ARMEEMATERIAL

+ Campingartikel

13.-22. Mai 11
Bündner Arena
7408 Cazis



Mo-Fr 10.00-19.00
Sa 9.00-17.00
So 11.00-18.00

Vollständiger Katalog unter:
www.dicks-armyshop.ch

DIE SÜDOSTSCHWEIZ

LA QUOTIDIANA

Redacziun: Via comerciala 22, 7007 Cuira, tel. 081 920 07 10, fax 081 920 07 15

Tgi paja dapli per la resgia a Domat?

■ (rtr) 17,13 milliuns francs per la resgia gronda a Domat. Quai è l'offerta d'in grond concern austriac. Quel na vul dentant betg manar vinavant il manaschi en il Grischnun, mabain demontar la resgia e reconstruir ella insanua auter. Quai ha la giunta dals crediturs communitgà. Ella ha decidì da perseguir l'offerta vinavant. Enfin ils 20 da zercladur pon ils crediturs ed auters interessents inoltrar offertas pli

autas. I saja enconuscent ch'i dettia ulteriurs interessents che vulesan manar vinavant la resgia a Domat. Offertas a scrit da quels interessents n'ha l'administraziun da concurs dentant anc betg.

Sch'i na dat enfin ils 20 da zercladur naginas offertas pli autas va la resgia per 17,13 milliuns francs a quel che ha offrì ils 17 milliuns. Sch'i vegn inoltrà in'offerta pli auta datti ils 27 da zercladur in ingiant.

Negins motivs per ina fusiun

Ina fusiun cun Trun ei per Sumvitg il mument negin tema

DA HANS HUONDER / ANR

■ In tec alla ga vegnan ualti bein tuttas vischnauncas el cantun Grischnun confruntadas cun demandas da fusiun. Per Sumvitg ei ina tala discussiun il mument denton negin tema. En La Quotidiana dil mardis ha il president communal da Schlans, Leo Hug, intima las vischnauncas da Trun e Sumvitg da far patratgs davart ina fusiun. Ferton che Trun ha gest fatg in emprem pass e decidu la fusiun cun Schlans ei ina fusiun per Sumvitg il mument negin tema. Tenor Leo Hug exista in potenzial d'ina pli stretga collaboraziun sin differents camps dallas duas vischnauncas, denter auter il scolaesser, ils fatgs da baghegiar e las administraziuns communalas. Il president communal da Sumvitg, Walter Deplazes, taxescha la situaziun actuala denton per empau autra: «Ton la vischnaunca da Trun sco quella da Sumvitg funziunan e las finanzas constantan.» Auter vesa el la situaziun en connex cun eventualas cooperaziuns sin in ni l'auter sectur.



La vischnaunca da Sumvitg ei buc interessada il mument da menar discussiuns davart ina fusiun cun la vischnaunca da Trun.

FOTO H. HUONDER

Aschia ei ina collaboraziun dils corps da pumpiers da Trun e Sumvitg sin rucca. Ella duei ir en vigur l'entschatta schaner 2012. Medemamein vegn fatg empremas la-

vurs preparativas per in concept da cooperaziun sil sectur dil scolaesser. Tenor Walter Deplazes marschan il mument differents discussiuns en quei connex. Negina

necessitad d'agir vesa el perencunter sil sectur dall'administraziun communal.

> PAGINA 3



Il center cultural Nairs as rechatta sper l'aua da l'En.

MAD

Litteratura rumantscha en il Center cultural Nairs

■ (anr/fa) Il center cultural Nairs spordscha quista stà ed utuon plüssas exposiziuns chi han per tema «mumaints sper l'aua». In lügl stan eir duos vernissaschas da cudeschs sül program. In gün da quist on cumpara la prüma monografia cumpletta cullas ouvas da Steivan Liun Könz. L'autura dal cudesch «Steivan Liun Könz/pittur d'istorgias e raquintader da purtrets/1940-1998» es la germanista ed istoricra Kathrin Siegfried.

Per la vernissascha dal cudesch organischa Nairs insembel culla famiglia ün omagi a Steivan Liun Könz cun ün'exposiziun d'üna schelta da purtrets e texts da l'artist. In occasiun da la vernissascha dal cudesch da Jon Demarmels «Il piz da la corna tschanca» (raquint reedi) legian e discutan Iso Camartin, Mevina Puorger e Men Steiner davart la lavur litterara da l'autur.

> PAGINA 7

PESTGA

Betg tots on gia cletg

(anr/gns) Gio per la 32. geda è stada la concorrenza da pestga per erueir igl rêtg pastgader digl Lai da Marmorera. Da pastger è lubia davent dallas 05.00 anfignen las 12.00 e chegl angal alla riva digl lai artificial. Malgro las relaziuns betg schi optimalas on igls 35 pastgeders tgappo tuttegnà 39

peschs. 20 pastgeders on pero gia da turnar sainza en pesch ainten la trentga. Gudagnea l'occurrentza ò cun Urs Huder da Seglias en pastgader tgi canoscha igl Lai da Marmorera scu las sias atgnas castgas.

> PAGINA 8

GRISCHUN

Premi social per La Capriola

(cp) La fundaziun La Capriola ch'ei sesenta a Trin ei la victura dil Premi social dil Grischnun 2011. Sias prestaziuns extraordinarias ein vegnidas undradas alla fiasta da premiazium ella clinica psichiatica Waldhaus a Cuera. La Banca Cantunala Grischnuna ha surdau simbolicamein il premi da 10 000 francs ord siu fondo da contribuziuns. La presidenta dil cussegl grond Christina Bucher-Brimi ha undrau la prestaziun da tut ils nominai. Cun surdar quei premi renda AvenirSocial Grischnun attent alla funcziun impurtanta dalla lavur sociala ed agl engaschi social en favur dil beinstar dalla societad. Dapi sis onns porscha La Capriola a Tavau a giuvenils cun in lev impediment spirtal, corporal ni cun in impediment dils senns la pusseivladad d'absolver ina scolaaziun professunala integrativa ella hotellaria ed ella restauraziun d'aula classa. La Capriola lavura ensemen cun ils hotels da quater steilas Morosani. Niev separticipeschan era il hotel da quater steilas Continental Park ed il hotel da tschun steilas Schweizerhof a Lucerna al project. Quei dat la pusseivladad da schaffir in secund center da formaziun a Lucerna.

Salata da frütta invece da cristianissem?

Il sböz da la nouva constituziun da baselgia nu cuntainta

DA MARTINA FONTANA / ANR

■ Per che predsches la cretta gnir vendüda? As douvra insomma ledschas per esser ün bun cristian? Il sböz da la nouva ledscha da la Baseligia chantunala dà andit da far ponderaziuns intensivassas. Quai impustüt in regiuns periferas. «Ils pass fich radicals chi vegnan propuonüts dals respunsabels chi han edi il sböz da la nouva constituziun da la Baseligia chantunala dan andit dad avair retgnentschas», disch il president dal Colloqui Engiadina Bassa/Val Müstair, Stephan Bösiger dad Ardez. Cha blers hajan temma da dir da schi ad ün «paquet uschè grond», manaja'l. Tenor el es il privel chi's sbütta quella nouva constituziun grond. Üna collavuraziun regionala o perfin chantunala saja da bivgnantar, discha'l. Però: «Da congualar maila cun paira nu vè!», argumentescha'l. Cha schi's fetscha quai resulta a la fin üna salata da frütta pac buna. La devisa da «far pass per pass» füss tenor el la soluziun. A che böt cha mincha singul pass maina nu sa'l però dir: «A la fin dals quints vaja pel cristianissem e per la cretta e na per statisticas e finanzas.»



Quant baseligia resta scha la nouva constituziun da la Baseligia grischnuna vain acceptada?

FOTO M. FONTANA



30020

Servetsch d'abunents e da distribuziun: tel. 0844 226 226 mail: abo@suedostschweiz.ch